



21409

kat.komp.

III

Mag. St. Dr.

P

laus

Bicarianova? Stanisl. Jos. Trophacum
victoriosae crucis —

PANEG. et VITAE

Polon. Fol.

№ 850.

Biblioteka Jagiellońska



stdr0002826

TROPHÆUM

VICTORIOSÆ CRVCIS,

GENTILITIA DE STEMMATE PRUS,
FALCE, ET SOLEA ARMATUM,

nunc verò

Sacrâ Doctoratus Theologici Laureâ,

In Perillustri, & Reverendissimo Domino,

D. VLADISLAO

de MINSKO

OPACKI,

BIBLIOTH. UNIV.



J. Vq; DOCTORE, Ecclesiæ Cathedralis Cracouiensis

ARCHIDIACONO,

PRÆPOSITO KOSCIELECENSI,

S. R. M. SECRETARIO,

dum

IN ALMA VNIVERSITATE CRACOVIENSI,

A

Perillustri, & Reverendissimo Domino,

D. M. MARTINO WINKLER,

S. TH: DOCTORE, & PROFESSORE,

Collegij Majoris Patre Seniore, CANONICO Cracouiensi,

Præposito Sandomiriensi, Scholastico Kielcensi, &c.

in florentissima Illustrium Hospitum corona,

SACRÆ THEOLOGIÆ DOCTOR,

RITU SOLENNI RENUNTIARETUR,

magno omnium applausu,

CORONATUM;

& A

M. STANISLAO IOSEPHO BIEZANOWSKI Leopol.

In eadem Alma Vniuersitate Cracoviensi,

Philosophiæ Doctore, Collega Minore, Ordinario Pœseos Professore,

officiosissimo cultu

CELEBRATVM.

Anno Salutis 1689. Die 26. Septembris.

CRACOVIAE, TYPIS VNIVERSITATIS.

In Gentilitium Insigne,
Perillustris, & Rñdissimi Dñi.



CLara Trophaeorum radiant Insignia, Magni
Sanguinis Illustrem, quæ decuere Virum.
CRVX Divina rubet, pretioso sanguine tincta,
Victoris Solum, nobile facta **DEI**.
FALCE minax, stridens Lachesis, formidat acumen;
Cum **SOLE** Aq̃ trucem, **CRVX** premit alma Stygem.
Omnia solennem quoniam meruere triumphum,
Ambiat ergo Sacrum, laurea iusta caput.

21.409ⁱⁱⁱ

TROPHÆUM VICTORIOSÆ CRVCIS,

Sacrâ Doctōratûs Theologici Laureâ
C O R O N A T V M.

Orbis spectacula non poscimus,
quamuis triumphalia meditemur.
Ad magnificentiam rei sufficit, absq; theatri magnificētia,
spectatissimum id ex seipso, quod agimus.

Trophæa seculi, haud trophæa sunt;
nisi ostentatio velit, assentatio decernat;
cui in visendis Septizonijs, totum velle videri;
totum esse, nihil esse.

Tolle ambitionem, tolle iactantiam,
& Pyramides sustulisti;
in quibus cæco fastu exoculata, nihil magis quæsiit;
nisi pompam, & admiratores oculos Ægyptus.
Profana hæc, & iam meritò profanata;
quæ ideò tantum apparuerant, vt disparerent,
exertas gentium palpebras non satiendo;
sed prouocatione irritamentorum, tam egregiè fallendo;
quàm ingeniosè

Timantis velum, æmulam in arte manum;
vel aureum Hippomenis pomum, Atalantam in cursu fefellit.

Sanctius, & augustius est,
quod in Trophæo CRVCIS, Centoculos non requirit,
& Argos habet,

cæli, terræq; dulcissimo spectaculo,
etiam sine oculis, mente sola visendum;

satisq; purpuratum ad gloriam;
cui pretium Redemptionis nostræ,
pretiosissimus Diuini Sanguinis murex,

Regis Regum conchyliæ dedit.

Cruenta Orbis Trophæa, sanguine rubent;
sed alieno;

A

quem

quem non erubescunt, quia sine fronte effusum.
Diuinum hoc Trophæum,
propriij cruoris purpuram habet,
ab effronte quidem malitia reuelatam;
sed in amore pudicissimo rubentem;
qui aliter in extrema nuditate velari non potuit;
nisi totus sanguine merfus,
paludamentum sibi ex seipso fecisset.
In hoc augustissimo Diuinitatis Trophæo,
purpuræ quidem fatis, sed auri nihil;
an quia verè Mauortium hoc, contra Stygem opus,
nihil magis poscebat?
quàm ferrum vndiq; , & vndiq; ferrum;
clauis vtiq; ferreis confixus, sed magis ipse ferreus in se,
immensus amor fuerat,
qui clauis non teneretur, nisi teneret seipsum,
tam rigidus, tam chalybeus;
quàm lancea fuerat, quæ latus eius aperuit;
vt ostenderet,
ab hac ferrea incude, quantus ignis.
Nimirum hîc ferrea omnia,
vbi falx mortis hebetata ad vitam,
cessit in acumen Sapientia:
vbi SOLEA, quæ caput infernalis contriuit draconis,
abiit in spoliū victoriæ;
CRVX ipsa sibi, in magnificentissimum
assurrexit Trophæum.
Triumphale id Orbi Christiano,
sed Illustrissimo de Prussorum Stemmate,
OPACCIORVM Sanguini hereditarium;
quas in conterendis hac SOLEA inimicis CRVCIS CHRISTI,
per tot sæcula meruit,
Falce metit coronas;
etiamne Doctores in Sapientia?
imò verò,
quandoquidem nulla maior hostilitas, quàm ignorantia;
nulla maior, & augustior corona,
quàm victricis animorum Sapientia.

Hæc

Hæc Tibi ab augusta Pallade venit,
Perillustris, & Reuerendissime Domine,
D. VLADISLAE OPAKI,
 Archidiacone Cracouiensis, NeoDoctor dignissime;
 Vt in Te coronet, quod in Te maximè tuum est,
 animi scilicet decus,
 Virtutum, & Sapientiæ speciosissimo apparatu,
 supra omnia decora eleuatum.
 Secula quidem pro alijs laborasse nouimus;
 vt Magni, & illustres fierent ex antiquò;
 sed nulla id effecere;
 vt saperent ex antiquò.
 Aliud enim est A borigenes, & falces Saturnias,
 aut Berecynthiam Diuorum Matrem,
 inter Nataliam antiquissima numerare;
 cunarumq; ementitas fasciolas,
 abusq; Iunonis, vel Latonæ peplo exordiri:
 aliud verò,
 Sapientis animi circuitu, seculum omne complecti, aut transgredi;
 & ex ea nobilissima hominis parte,
 quâ DEO proximus est, & de rebus humanis Diuinè sapit,
 censeri, æstimariq; in summo;
 illud fortunæ, hoc virtutis;
 illud nascitur, hoc paratur,
 & ingenti pretio constat, quia sudatis in opere gemmis.
 Cellissimo animo tuo,
 hæserat id sat profundè;
 nec quiescere poteras,
 inter gentilitia decora tua, tot sæculis elaborata;
 donec de tuo quoq; elaborasses, meruissesq;;
 quod mentium partu immortalis secula vincit;
 & ex pretio Sapientiæ, supra omne pretium æstimatur.
 Trophæa Illustrissimæ Domus Tuæ,
 pari vetustate, vt & splendore,
 Orbi Polono spectatissima,
 Miltiadis Tibi Trophæa fuere;
 non vt excitareris ad Heroicos actus; quos spōtè poscebas, deperibasq;;
 sed vt augustiora redderes,

post tot Maiorū victrices laur^o, purpurataſq; ſāguine barbaro palmas,
etiam Diuinæ Sapientiæ lauru
Coronata.

Ita fanè, CRVCIS Tuæ gentilitiæ Trophæum,
& ſimul æternæ Sapientiæ,
Humanam Carnem indutæ,
Doctoralis Cathedra,
poſcebat Te Doctorem fieri, eius doctrinæ;
quæ habitat quidem in excelsis;
ſed tamen de Cruce humili venit.

Ad falcem quoq; tuam gentilitiam pertinuere,
prata illa Virentia;
in quibus *flos campi, lilium conuallium*

CHRISTVS,
mentes, & frontes illas coronat;
quæ de illo, tanquam de flore Nazareno,
Theologicè differunt, & ſapiunt Diuinè.
Nec ſolidiſſimum

dimidiæ SOLE Æ Tuæ robur,
extra arcanum eſt;
quæ ſi in Maioribus Tuis, ad conterendos Patriæ hoſtes,
dimidia tantum valuit;
quantum illud fuiſſet,
ſi compagem integram, ponduſq;,
Colacico, Scythico, vel Otthomannico,
capiti impegiffet;
inter coronas triumphales,
etiam Coronæ Theologiæ opportuna;
vt potè in rerum altiffimarum ſcientia,
in quibus difficillima quæq; ſerio percepiffet;
idem eſt, quod & SOLEAM fregiſſet.

Omnia hæc, ex ſplendiſſimis Natalibus tuis orta,
vide,

quàm Diuinæ Sapientiæ, propè in delictum veniant;
decuſq; illud propè extorqueant;
quod Te iam non poſcit, ſed ambit.
Habes ex Illuſtriſſimæ Proſapiæ Tuæ merito,
honorem Tibi vectigalem,

mas,

per tot Equestris Ordinis Subsellia, per tot militares Præfecturas,
curules Senatorias, Officia Regni,
à Ducum Mazouïæ Celsissimis nominibus,
adusq; Regum purpuratas gratias, & Reipub: corcula deductum.
Inscripsit Trophæo tuo Heroica Virtus,
tot illustria Heroum Nomina;
quorum Sanguis es, & amissis,
repræsentans omne æuum, exquisito in Te compendio,
totumq; illud complexus;
quidquid in Maioribus tuis, incomparabilis animi OPACCIIS,
togâ, & sago illustre, vastum meritis, amplum honoribus
in Orbis Poloni facie, usq; ad splendidissimæ claritudinis iubar,
& supra æstimationem effulsit.

Debet Augustissima Domus IAGELLONICA,
Magno Auo Tuo,

NICOLAO OPACKI,

Succamerario primùm Varſauiensi,
& Magno Arcis Cracouiensis Procuratori,
Palatino deinceps Derpatensi,
SIGISMVNDI III. Poloniæ & Sueciæ Regis,
Verè augustam in captiuitate Suecica educationem;
cui Principem,
tot postea Regum Poloniæ, & Principum Parentem,
inter spineta fortunæ,
illæsum Catholici fidei liliorum Manipulum,
diademate Sarmatico coronatum seruauit.
Debet & Filio eius, Patruo Tuo,

SIGISMVND OPACKI,

SVCCAMERARIO VARSAVIENSI,

& Magno Arcis Cracouiensis Procuratori,
præcellentium Virorum, & animorum ocello,
felicissimam illam, circa SIGISMVNDI III.
Regiæ propaginis Filios,
dignamq; seculis omnibus curam;
quâ tot Augustos Poloniæ dedit;
quot in VLADISLAO IV. & IOANNE CASIMIRO,
coronata capita;

in **IOANNE ALBERTO,**

S. R. E. Cardinalium purpurata nomina;
in CAROLO FERDINANDO
insignitos Præsulea Tiara vertices;
in ALEXANDRO Principe,
Martis Sarmatici fulmina educauit.

Quid non egere?

pro immortalitate nominis,
& OPACCIANÆ CRVCIS Trophæo,
alij quoq; Patru Tui,

ALBERTVS OPACKI,
VEXILLIFER VARSAVIENSIS,
adusq; Volgam, & Moscuam, Marte Heroico,
& triumphali armorum gloria prouectus;
NICOLAVS OPACKI,

in Seraphicæ Matris Carmelo,
filijs Prophetarum adscriptus,
in Apologia perfectionis Religiosæ,
ceu turri fortitudinis, ex qua mille clypei pendent,
contra osiores Asceticæ rigidioris vitæ,
Heroico calamo, & spiritu Helix armatus;

SAMVEL OPACKI,
TRIBUNVS VARSAVIENSIS,
ob summam animi virtutem, & elegantiam,
peregrinationum Sereniss. olim IOANNIS CASIMIRI,
per cultissimas Europæ gentes, comes indiuiduus;
magnusq; Parens Tuus,

CHRISTOPHORVS OPACKI,
POCILLATOR primùm CZYRSCENSIS,
post soluta deinceps matrimonij vincula,
ad Aras Ecclesiasticas,

Archidiaconus Lublinensis, & Præpositus Belscensis,
Spirituali zelo, & exemplo spectatissimus.

Intulere Dòmui Tuæ,

quæ eadem cum MINSCIIIS est;

vel in solo MINSCIO Palatino Lanciensi,

ad CLEMENTEM VIII. Pontificem Maximum,
pro Diuo HYACINTHO in Sanctorum numerum referendo,

Summi

summi eloquij Legato,
ad celeberrimam Magni nominis gloriam euecta,
ex Materni quoq; Sanguinis Tui,
SARBIEVIIS, VARSZEVICIIS, SŁVZEVICIIS,
Senatorij Ordinis consanguinea decora sua,
KAZANOVIORVM, OSSOLINIORVM, OPALINIORVM,
Principes in Regno Profapiæ;
Fratres quoq; Tui Patrueles,

ALBERTVS OPACKI,
SVCCAMERARIVS VARSAVIENSIS,
ad diuersos in Europa Principes,

in Legationum munere, Cyneas eloquentissimus;
NICOLAVS OPACKI,
ARCHIDIACONVS PŁOCENSIS,
Virtutum suarum merito, honores quoscunq; supergressus;

SAMVEL OPACKI,
DAPIFER VARSAVIENSIS,
in Comitijs Regni, inter Equestris Ordinis Nuntios,
legum, & libertatis Patriæ, sæpè os, & anima factus;
omnes iam beata æternitate sua donati;

præter STANISLAVM OPACKI,
POCILLATOREM VARSAVIENSEM,
magnitudinem, & gloriam Maiorum suorum,
seculo nostro, excellentissimis animi dotibus repræsentantem,
ad coronæ Tuz monilia veniunt;
quia pectoris Tui gemmæ.

Adde illis

coronamentum omnis gloriæ,
ipsam emedullati dulcoris sapientem Atticam,
iudicij, & consilij aureum tripodem,
Perillustrem, & Reuerendissimum Dominum,
CASIMIRUM LUBINSKI,
Canonicum Cracouiensem, & Sandomiriensem,
Custodem Kielcensem,
in Tribunalitio Regni Iudicio, Deputatum Iudicem,

Tuum ex Sorore Nepotem;
eodemq; Tibi nexu Sanguinis iunctum,

N I C O L A U M O B O R S K I ,
inter florentissima Ordinis Prædicatorum lilia ,
supra Virtutum basim , usq; ad coronas sapientiæ prouectam ,
Sacrae eloquentiæ , & Theologicæ Cathedræ
liliatam Columnam.

Ex his tamen in purpuram animi tui ,
illud tantum descendit ;
quod ex magno sanguine ad exempla non erubuisti ,
satis ex se purpurata ;
quæ imitari non suffecerat , nisi Maiora dedisses.
Inuestigauit certè S O L E A T u a ,
iter ad illa augustum ;

quo selectissimæ animæ ex tuis , ad summa omnia peruenere ;

Tuq; procedis , Regio sanè passu ,
usq; ad Peraugustas in Ecclesia D E I ,
& Doctores apud Regiam Palladem coronas.
Triumphat in ijs Sapientia tua ,
præter ingenij vim capacissimam , & elegantem ,
pectus eruditum , & Musarum Senaculo dignum ;
præter os suaue , & facundum ,

Charitesq; animi , usq; ad Lenocinia dulces ,
seria , grauis , matura ,
patritio , & Europæarum gentium cultu ,
adeò ad tornum formata , & tam exasciata ;
ut critici etiam cuiusuis Archilochi ,
limam effugerit omnem.

Pulcherrimum illi , decora sua nôsse ;
& aliena pluris facere ;
intelligere præ alijs , sentire de se infra alios ;
authoritatis pondus comitate leuare , occurrere
incredibili humanitate non audentibus ,
prodireq; extra viscera cordis ;
ut intra viscera , si qui egeant , intrent ,
habitura quibus teneantur ,
expansas animi suauissimi Vlnas.

Hoc Tu complexu , Romæ , & in Patria ,
strinxisti Principum , Antistitem , & Heroum pectora ,
cordiumq; intima tenuisti ,
ex quibus necdum euolutus , hæres adhuc
inter amoris publici fibras ,

Cleri

Cleri amor, & gratia,
Sponsæ Ecclesiæ Dei corona,
zeli, & exempli Spiritualis
Idea absoluta,
per Cathedras Ecclesiasticas, aureo Chrysologus ore;
inter oracula Iuris,
Themidis Polonæ dilectio.
Olympia meritorum tuorum,
in Archidiaconatu Sandecensi,
non vnâ Olympiadem emensa,
ostenderunt vestigia, SOLEÆ Tuæ ad coronam,
quàm verè cauata, & erosa, in saxo durissimo,
nempè solidissima fuerint;
arcano cælesti diutius protracta;
vt imitationi aliorum magis expressa proponerentur;
nec ante coronatum,
in Vauelano fastigio desinerent ascensum.

Huc Te delegit,
Præfulum, & Principum lectissimus ipse,
Celsitudine sua, & magnitudine nominis maior,

I O A N N E S
de MALACHOWICE
MALACHOWSKI,

Antistes Cracouiensis, & Dux Seueriæ,
non vna gemmarum Ecclesiæ DEI Fascia,
coronandis mentibus selectissimis data.

Publicam certè,
Princeps hic votorum destinationem,
humanissimo gratiæ suæ vinculo conclusit;
effecitq; vt desideria omnium, gaudia tandem fierent;
Tuq; inter gemmas Cathedralis Basilicæ Cracouiensis,
natalium splendore, claritudine Virtutis & sapientiæ,
in auidè expectantium oculis radiares;
non accessione aliqua honoris Tui;
quem iam virtute supergressus fueras;
sed æui nostri felicitate;
cui seruatus es; vt iam ex Te ipso coronatus,
ipsum etiam honorem, supereminentibus meritis coronares.

ita factum est,
 ut longius detenta æstimatio tui,
 iret tandem gradu properato ad summum,
 compensatione ingentis meriti non quiescens;
 donec voce Dei, in voce populi clamante,
 candidissima Magni Præsulis Fascia præsentante,
 nuceis Peraugusti Capituli iussufragiorum calculis,
 Archidiaconus Cracouiensis,
 Oculus Episcopi fieres;
 qui iam ante fueras, optimarum mentium pupilla.
 Addantur ergo coronæ coronis;
 & in hoc capite, de quo coronarum certamen est,
 sub Victoriolæ Crucis Trophæo,
 Princeps Theologia vincat:
 quæ Te, cùm laureato honore dignatur;
 in hoc annulo, in hac gemma,
 quâ Te sibi desponsat,
 cor etiam, Tibi gemmæ cordium tradit,
 & ex cordibus omnium vouet;
 ut Doctoralis hæc corona,
 sub auspicijs FASCIÆ MALACHOVIANÆ,
 virtutum, honorum, & seculorum,
 Tibi Fascia sit;
 ut Falcis Tuæ sacram aciem reuerita,
 vitæ inimica mors,
 in alienam, quia DEI messem, Falcem mittere non audeat;
 SOLE Æq; Tuæ felici calcaneo,
 quicquid, vspiam infestum, aut ex aduerso est,
 solidissimè conteratur:
 Tuq; *in hoc signo Crucis salutaris*,
 sub quo Theologica lauru,
 coronatus triumphas,
 & meritorum celsitudine, honorum fastigia;
 & immortalitate nominis secula

V I N C A S.



t s,

77.

15

